

مطبعه رحل اراره :

جمال اوغلنده امنيت
صندوغى جوارنده
شنگول يقوشنده
۲۵ نومبر

مشاط قلم

۱۳۲۶

سلکمزموافق آثار
جدیده مع المنونبه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ بارہ در

ابوالعلا زین العابدین - ح . اشرف ادیب

تاریخ تأسیسی

قیرلہ دن مقوا بورو ایله کوندریلیرسہ سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلانی	غروش
ممالک عثمانیہ ایچون	۶۵	۳۵
روسیہ	۶۵	۳۵
سائر ممالک اجنبیہ	۱۷	۹

آلتنجی جلد

۲۱ شعبان المعظم ۱۳۲۹ پنجشنبه ۴ اغستوس ۱۳۲۷

عدد : ۱۵۴

روضه القراء

—۱۱—

علی بن ابی طالب رضی الله عنه

اسم باک عالیسی (علی) کنیه لری (ابوالحسن) در . بر روایت کوره اک اولکی کنیه لری (ابوالحسن) درکه عادت قدیمه عرب اوزره دهها کوچک ایکن وفات ایدن (محسن) نامنده کی ایلک اوغلنک اسمیله کنیه لشمش ومؤخرأ حضرت (حسن) رضی الله عنک تولدنده (ابوالحسن) ایله یاد اولمشدر. روایت صحیحیه نظرأ برنجی کنیه لری (ابوالحسن) اولیوب (ابوالحسن) در . چونکه (محسن) حضرت (حسن و حسین) رضی الله عنهمادن صکره اوچنجی اوله رق تولد ایتمشدر . حتی سیده النساء حضرت (فاطمه الزهرا) رضی الله عنها . جناب مراتضی بیننده ازدواج وقوع بولمازدن اول سرور عالم اقدمزله حضرتلری کندیلرینی کنیه شریفه مذبوره یعنی (ابوالحسن) ایله مکنی ایلمشدر . بر کنیه علیه لری دخی (ابو تراب) در . بونک سببی ده برکون مسجد شریف داخلنده یا تمش و بی اکرم سلی الله علیه وسلم اقدمز حضرتلری کندیلرینی تراب الود بر حالد کورمش اولمیرله (قم یا اباتراب) دیو بیدار بیورمش اولمیریدرکه حضرت امام بو کنیه ایله یاد اولندقیه پک زیاده محظوظ اولورلر ایدی . لقب سعادتلری (مرتضی) در سبب تلقب لری حضرت رسول الله صلی الله علیه وسلم غزای تبوکة عزیمت بیوردقلرنده کندولرینی خلیفه صفتیله مدینه منوره ده براقلریدر . طفولیتنده مشهود اولان امارات شجیعانه لرینه بناء والدۀ ماجده لری طرفدن (حیدر) ایله تلقیب اولمشدر . اسم باک عالیلی یاد اولندی زمان مع الترضیه (کرم الله وجهه) دینلمسک وجهی قطعاً اوشان واصنامه قارشو جین سای سجود اولماسیدر .

جناب امام اون یاشنده ایکن حضرت (خدیجه) رضی الله عنهادن صکره ایکنجی اوله رق ایمان ازیلسنی اظهار ایلمشدر . نسب شریف لری (علی بن ابی طالب بن عبدالمطلب در . رسول اکرم ونبی محترم اقدمز حضرتلرینه نسبت جهتدن کندولرندن اقرب کیمسه یوقدر . والدۀ ماجده لرینک نامی (اسید بن هاشم بن منافک کریمه سی) فاطمه) و فاطمه نک والدہ سی دخی قریشدن هرم بن رواحه نک قری (حی) در . مشار الیها فاطمه دخی حله پوش ایمان اولوب مدینه منوره ده هجرت ایلدکدن بر زمان صکره خرامان ریاض جان اولمشدر . رضی الله عنه .

حضرت علی رضی الله عنه بعثت سنیه تاریخندن اون سنه مقدم یعنی هجرتدن یگریمی اوج سنه اقدم وتاریخ فیلدن اوتوز سنه صکره شهر رجبک اون اوچنجی جمعه کونی مکۀ مکرمه ده واقع شعب ابی طالبه زیب افزای کهواره هستی اولمشدر .

تاریخ هجرتک اوتوز بشننجی سنه سی ذی الحجه سنک اون طقوزنجی جمعه کونی آرایش بخشای مسند خلافت اولدی . درت سنه سکنز ای یگریمی اوج کون رونق فزای جاه خلافت اولدقندن

صکره التمش اوج یاشنده اولدینی حالده قرقنچی سنه هجریه سی شهر رمضانک اون یدنجی جمعه کونی صلات صبحی ادا ایتک اوزره مسجد شریفه کیدرکن ابن ملجم طرفندن قلجله اوریله رق الدینی جریحه لک تأثیریه ایکی کون صکره یعنی ماه مذکورک اون طقوزنجی بازار کیمجه سی شهیدأ خرامان مقام علین اولدی . رضی الله عنه وکرم الله وجهه .

سابقین اولینک ، خلفای راشدینک ، جنتله مبشر اولان صحابه کزینک بری ونبی محترم اقدمزک داماد فضائل کسری سیدالاولیا ، حضرت علی المرتضی اک اول یگریمی بر یحیی یاشلرنده ایکن سیده نسا حضرت فاطمه الزهرا رضی الله عنها یی تزوجه صهریت نبویه شرف کراجهاسنه نائل اولمشدر .

جمه اصحاب ذوی الفضیل اذن شریف نبوی ایله جانب مدینه ده هجرت ایدوبده مکۀ مکرمه ده یالکیز رسول محترم اقدمز حضرتلری ایله ابو بکر رضی الله عنه قالنجه قریش بالاجتماع ویردکری قرار وجهله سعاد تخانه نبوی محاصره ایتدکری اقشام بیک رب العالمین حضرت جبریل امین علیه السلام فرمان هجرت ایله نازل بیت خاتم النبیین اولدی . در عقب فخر عالم اقدمز حضرتلری جناب علی یی دعوت ایدرک اولسایده کی فرمودۀ الهی یی تبشیر . فقط اشرار قریشک خیر اوله مامسی ایچون او کیمجه خوابک سعادتلرینه یاتوب ذات قدسی صفاتلرینه عائد خصوصاتی تسویه وحقوقی تأدییه ایلک اوزره اوج کون قدر مکده قالمسی بعده اهل بیتنی مستصحباً مدینه ده کلی اقتضای حالدن ایدوکنی تقریر بیوردی . حضرت امام دخی سمسماً وطاعة دهرک واولیه بر زمان حولنا کده نفسنی حضرت رسول الله اقدمز فدا ایدرک طرف اشرف رسالتپناهیدن ویریلن یشیل بر خرقه یی یورینوب فراش نبوی ده یاندی . وکندوبنه سپارش بیوریلان اموری مدت مذکور طرفنده تسویه ایلهرک بر موجب فرمان اهل بیت رسولی بالاستصحاب مدینه منوره ده هجرت ایدی . وتسلط اعدادن امین اولقی ایچون کوندوزلری مناسب محلزده اختفا وکیجه لری قطع مسافیه اهتمام واعتنا ایدرک مدینه منوره ده مواصلت ایلدی . وشرف مواصلتی متعاقب نبی مکرم صلی الله علیه وسلم اقدمز علی بن بکا جاغیریکز دیو فرمان بیوردقلرنده علینک ایاقلری شیشمشن طبائریلرینک درسی یوزیلوب یاره بره اولمش اولدیفندن مشبه قدرتیاب دکل دینلمسی اوزرینه حضرت رسول الله لطفاً بالتشریف خبر ویرلنیکندن زیاده مضطرب اولدیفنی کورنجه همان ید مبارک لری ایله ایاقلرینی مسح ایدرک درگاه قاضی الحاجات ایصال ایلدکری دعای اجابت اتمک آنری فی الحال ظهوره کلوب ایاقلرنده کی جریحه لری ایله اورام پذیر برفته زوال والتیام اولدی . حتی زمان شهادتنه دکی بر دها آفاق وجهی احساس ایلدی . نبوک غزاسندن ماعدا غزوات سنیه ده حضرت رسول الله ایله برابر بولنوب هجمات سربازانه سیله اعداء دینه پک بیوک رخنه لر آجدی .

هر غزایه کیدیلورایکن لوای اهل اسلامی سعد بن عاده حضرتلری

علیه السلامه وحلم جهتدن ابراهیم علیه السلامه وهیت جهتدن موسی علیه السلامه وعبادت جهتدن عیسی علیه السلامه نظر ایتک ایستیانلر علی بن ابی طالبه نظر ایتسون دیمکدرکه بو حدیث عبدالله بن مسعود حضرت تارندن مرویدر و دعلی مع القرآن و القرآن مع علی لن یفترقا حتی یردا علی الخوض (و انت اخي فی الدنیا و الآخرة) و (خبر اخوتی علی و خیر اعمامی حمزه) و (علی عیبه علمی) کبی حق عالیرنده شرفلی حدیث نبویلر صادر اوله رق قدر و شانلری اعلا بیورلمشدر .

نسخة نفیسة حکمت اولان جناب مرتضی رضی الله عنک کلمات درر بارلرندندر .

باطلک مدت جولان و دورانی ازبر زماندر . اما حق و صواب قیامت قدر یایدار و بی زوالدر .

خالقدن قورق که مخلوقدن امین اوله سک .

نقشنه مخالفت ایت که مستریخ اولورسین .

لسانلریکیز و جسدلریکیز ایله ناسه محالطت و موانست ایدیکز . عمللریکیز و قلبلریکیز ایله ناسدن مزایله مفارقت ایدیکز ، زیرا انسان ایون خیر و شردن ایلدیکی نسنه واردر ، انسان یوم قیامتده محبت ایتدیکی کیمسه ایله خشر اولنور .

حریص و بخیل اولان کیمسه نك التونی باغ و بوقاغیدر .

اخلاق سیئه کندوسندن قورقلمش اولمیان وحشت و حسرتدر .

مؤمنک کیدیشی و رفتاری خفایا و سرارندن خبر ویرر .

لسانک سکوتی لسانک سلامتیدر .

معرفتک ازی بلا معرفت عملک چوغندن خیرلیدر .

الفت و محبتک شرطی کلفت و زحمتی ترک ایتمکدر . ناسک زیاده

شریر و خینی سائر ناس کندوسندن اتقاء ایدن کیمسه در . جناب

مولا هرکسک رزقه ضامن و کافلدر . دوست طباغی یک زیاده آجیدر .

لسان ضربه سی سونکی و مزراق یاره سندن اشددر . ظلم و تعدینک

قرانلنی ایمانی قراردر . ا کری نسنه نك کولکسی ا کریدر . علوهمت

ایماندن کلیر .

هر کیمه نك عقینده بر کوندز اولدینی کبی هر مضایقه و ظلمتک

عقینده ده بر وسعت و نورانیت واردر . کلامی چوق اولور . یعنی

چوق سویلیان چوقده ملامت و ندامت چکر .

ان بیوک ثروت عقل و حکمت ؛ اک شدید ضرورت حق

وبلاهددر . کندینی بکنمک اک بیوک وحشت ؛ اک مقبول اولان شی

حسن خلقددر . مطلوبی تحصیل ایچون ابواب لئیمه ایدرک . اظهار

عجز و افتقار ایتمکدن ایسه طبع سلیم اصحابنه کوره استدیکنه واصل

اولماق دها آساندر . ا کر طالعک کشاده ایسه معایبک مستورا اولور .

خواجه زاده

جنگل کوی

احمدحلی

کتورر ایدیه ده زمان قتالده نبی محترم افندمنز رایت ظفر آیتی سمعک النذن الوب اکثریا حضرت امامه تسلیم ایدرلر ایدی . خیرک فتی لوی نصرت التوای اسلام جناب مرتضی نك دست جلالت بیوستلرنده اولدینی کونده رونمون آینه حصول اولدی .

ذات عرفان سمانلری کتب سعادتآب و حیدن اولدینی کبی حضرت ابو بکرک دخی کاتب خاصی و حضرت فاروقک مستشار خاص خاصی ایدی .

عبدالله بن مسعود رضی الله عنه حضرت تارندن مرویدرکه حضرت عی دن بشقهر کسه ناسه بر مشکلکیز وار ایسه بکا سورک دیه مزیدی . چونکه حضرت علی دیرلر ایدی که کتاب اللمدن بکا سوریکیز زیرا هیچ بر آیت نازل اولماشدر . الان او آیت کیمک حقنده و کیمک علیهنده و کیمجه می و کوندوزمی یوقسه جیلده می صحراده می نازل اولمشدر بیلورم . کندیلری حفاظ قراندن اولوب قرآن کریمی رسالتآب افندمنز حضرت تارندن اخذ و تلقی بیورمشلدر . حسین بن علی بن ابی طالب ، عاصم بن حمزه ، عبدالله بن الحارث الهمدانی ، ابو الا سوادهی [۱] ابو عبدالرحمن عبدالله بن حبيب بن ربیعہ [۱] ابو مریم رز بن حیش بن حباشه لاسدی [۱] حضرت آقیده جناب علی بن ابی طالب رضی الله عنهن اخذ و قرائت ایتشلدر .

ابن عباس رضی الله عنه بیورمشلدرکه یالکیز حضرت علی به علمک طقوز حصه سی ویرلش و عشر عاشورده ده سائر ناس ایله مشارک ایلده شددر . قضا و فصل دعواده نظیری هیچ یوق ایدی . حتی رسول اکرم افندمنز حضرتلری صحابه کرامه خطاباً (افضاکم علی) یعنی کم و قضا ده جمله کزه فائق علیدر . بیورمشلدر .

عمار بن یاسر ، فخر رسالت افندمنز حضرت تلرینک حضرت علی به یاعلی حق جل وعلی حضرت تلری قوللرینی تزیین ایتدیکی زیقله سنی مزین ایلده شددرکه او زینت عندالله اک زیاده مقبول اولان زیب زهد دنیادر . ایشته بوزهد سنده واریکن نه سن دنیادن ونده دنیاسندن بر شیئه نائل اوله بیورسکیز بیوردقلرینی ایشتم . دیو روایت ایلده شددر . حضرت علی یک سخی ایدی . حتی فقرای محتاجینی کندی نفسنه واهلنه تقدیم ایلر ایدی . برکون بر فقیره خاتمی تصدق ایتدی . وچوق کره افطاری ایچون تمیه ایتدیکی طعامی فقرایه و یروب کندیشی طعام سز قالور ایدیکه بو خصوصده حق عالیرنده اشبو (ویطعمون الطعام علی حیه مسکینا و تیمما و اسیرا) ایت کریمه سی شرف نازل اولمشدر .

حضرت امامک فضائل بیرون دائرة عد و احصا در .

سرور عالم افندمنز حضرتلری بر کون علی المرتضی رضی الله عنک النذن طوته رق (من اراد ان ينظر الی ادم فی علمه والی نوح فی تقواه والی ابراهیم فی حلمه والی موسی فی هیبه والی عیسی فی عباده فاینظر علی بن ابی طالب) بیورذیلر یعنی علم جهتدن نوح